

Retningslinjer for utleige i Nærbøparken

Retningslinjene skal sikra ein berekraftig og gjestfri Nærbøpark.

Innhaldsoversikt

1 Formål

2 Kven kan leiga?

3 Korleis leiga?

4 Marknadsføring

5 Vis omsyn

6 Kor lenge kan du leiga?

7 Reinhald og avfall

8 Tips ved leige av boder

1 Formål

Nærbøparken skal skapa smil og gode liv. Parken skal vera open for alle, der alle kan bidra og der alle er velkomne frå sør til nord.

2 Kven kan leiga?

Utleige av boder i Nærbøparken er open for frivillige lag og organisasjonar, bedrifter og enkeltpersonar over 18 år i Hå som ønsker å arrangera aktivitetar eller tilby varer og tenester som er i samsvar med parken sitt formål. Organisasjonar som kan knyttast til hatefulle haldningar og ytringar, kan ikkje leiga. Arrangementa skal vera opne for alle.

3 Korleis leiga?

Meld inn ditt ønske til e-post servicetorg@ha.kommune.no for å bestilla tidspunkt for leige.

4 Marknadsføring

Arrangement som vert halde i Nærbøparken bør publiserast og marknadsførast på ein måte som gjer det klart at det er ope for alle. Spør gjerne kommunikasjonsavdelinga i Hå kommune om råd.

5 Vis omsyn

Utleigen eller arrangementa kan ikkje strida mot gjeldande lovar og reglar, eller vera til skade for parken sitt omdømme, miljø, formål eller naboane av parken. Leigetakar er ansvarleg for eine aktivitetar og arrangement, og må sørge for at dei er trygge og i samsvar med gjeldande tryggleiksforskrifter. Ta med brannsløkkingsapparat ved bruk av elektriske artiklar. Leigetakar har også ansvar for å ikkje overbelasta straumnett. Det er ikkje tillate å køyra inn varer og utstyr i parken (kun unntaksvis når parken blir stengt ved rigging av til dømes arrangement som Juleparken).

Dersom du inviterer til eit større arrangement, [må du søka i dette skjemaet](#)

Det er også leigetakar sitt ansvar å ta høgde for eventuelle parkeringsutfordringar.

6 Kor lenge kan du leiga?

Utleigeperioden kan variera, men vil normalt vera avgrensa til ein dag eller ein kortare periode. Anna kan avtalast med Hå kommune.

7 Reinhald og avfall

Leigetakar er ansvarleg for å halda det reint og ryddig under utleigeperioden. Når utleigen er over, skal park og boder etterlatast i same stand som ved mottakinga. Leigetakar må sjølv ta med avfallet.

8 Tips ved leige av boder

- Lån gjerne ei tralle (lagra i bod nr 2) for å frakta varer inn i parken.
- Lukene kan vera strie å få opp. Ta gjerne med ei lita gardintrapp/krakk når du skal heisa lukene opp og hengsla dei på plass.
- Heng plakat om kva du sel med prisar på utsida av boden. Bruk lærartyggi. Ikkje spikra utan å rådføra deg fyrst.
- Pass på at du ikkje overbelastar straumnettet.
- Du får tildelt kode til bua ved å henvenda deg til servicetorget servicetorg@ha.kommune.no